



Norges
vassdrags- og
energidirektorat

Til adresseliste

Postboks 5091, Majorstuen
0301 OSLO

Telefon: 22 95 95 95
Telefaks: 22 95 90 00
E-post: nve@nve.no
Internett: www.nve.no

Org.nr.:
NO 970 205 039 MVA
Bankkonto:
7694 05 08971

Vår dato: **19 MAR 2010**

Vår ref.: NVE 201000859-3 ki/vhst

Arkiv: 313/016.BEZ

Dykkar dato:

Dykkar ref.:

Sakshandsamar:
Vegard Hotvedt Strømsvåg
22 95 94 85

Olav Bratland – Søknad om løyve til masseuttak i Kjelaåi i Vinje kommune, Telemark – Høyring

NVE har motteke ein søknad frå Olav Bratland, datert 12.3.2010, om løyve til vidare masseuttak i Kjelaåi i Vinje kommune.

Det søkjast om vidare masseuttak i Kjelaåi ved Edland i Vinje kommune. Det har vore uttak av masser i elva i ca. 30 år. Masseuttaket vil få eit areal på 15 000 m² og det er planlagt å ha eit gravedjup på 5 meter, som vil gje eit totalt uttak av masser på 75 000 m³. Transport frå masseuttaket vil nytte eksisterande veg fram til E134.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved.

NVE ber Vinje kommune leggje to eksemplar av søknaden ut til offentleg ettersyn på Tenestetorget hjå Vinje kommune samt to eksemplar på biblioteket på Edland fram til **23.5.2010**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **23.5.2010**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.



Med helsing


Øystein Grundt
seksjonssjef


Vegard Hotvedt Strømsvåg
avdelingsingeniør

Vedlegg: 4 Søknad til kommunen
Kunngjeringstekst
Informasjonsark
Adresseliste



Adresseliste for: Søknad om masseuttak i Kjelaåi

Handsamast etter: Vassressurslova

Vert kunngjort av NVE ved CIA Media Marketing 1 gong i: Vest-Telemark blad og TA

Tal på søknadar	Namn/adresse
4	Vinje kommune, Vinjevegen 192, 3890 Vinje
	Fylkesmannen i Telemark, Statens hus, 3708 Skien
	Telemark fylkeskommune, Postboks 2844, 3702 Skien
	Statens vegvesen, Region sør, Serviceboks 723, 4808 Arendal
	Naturvernforbundet i Telemark v/ Sigrid Dahl, Klevarvegen 112, 3812 Akkerhaugen
	NJFF - Telemark , Bøgata 8, 3800 Bø
	Forum for natur og friluftsliv, Bøgata 8, 3800 Bø
	Haukeli Jeger og fiskarforening v/Kåre Hovden, Flotarvegen 3, 3890 Vinje
	Norges padleforbund, Serviceboks 1 Ullevål stadion, 0840 Oslo
1	KM/KCA



Orientering til høyringspartane

Generelt

NVE har heimel til å gje løyve i saker som gjeld utbygging av småkraftverk og andre vassdragstiltak. Løyve til større kraftutbyggingar blir gjeve av Kongen i statsråd.

Denne orienteringa gjeld saker der NVE kan gje løyve etter § 8 i vassressurslova.

Handsaming av søknaden fram til endeleg avgjerd

NVE sender informasjon om høyringa til kommunar, fylkesmenn (FM), fylkeskommunar (FK), statlege forvaltingsorgan og interesseorganisasjonar som saka vedkjem. Høyringsperioden er minst 6 veker. Saka vert kunngjort i minst ei avis i distriktet og kommunen legg søknaden ut til offentleg gjennomsyn, ev. utlån. Søknaden vert óg lagt ut på www.nve.no/konsesjonssaker med tilgang til å sende inn fråsegn elektronisk.

Søkjar får høve til å kommentere innkomne fråsegner før NVE gjennomfører synfaring i området.

I heilskapsvurderinga står NVE fritt til å vurdere om løyve bør gjevast og i kva omfang, jf. vassressurslova § 25. Søknaden og innkomne høyringsfråsegner er viktige grunnlag for NVE si vurdering.

Dersom NVE gjev løyve, kan det bli knytt vilkår til dette, jf. vassressurslova § 26. Vilkåra kan omfatte byggjefristar, vasslepping, naturforvaltning, fornminne og sanksjonar ved ev. brot på vilkåra.

NVE si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Kva vert forventa av høyringsinstansane?

Kommunen bør gje synspunkt på om planane bør gjennomførast, ev. val av alternativ. Vi ber kommunen informere om kjende allmenne interesser (t.d. landskap, friluftsliv, fisk og vilt) som tiltaket kan få følgjer for, og ev. andre tilhøve som kan få innverknad på gjennomføringa. NVE ønskjer forslag til vilkår eller avbøtande tiltak som kan redusere ev. skader ved gjennomføring av planane. NVE ventar at kommunen omtalar tilhøve til kommuneplanen og andre kommunale planar.

FM bør vektleggje tilhøva omkring miljø, medrekna fisk og biologisk mangfald, og vurdere tiltaket i høve til sektorlovgivinga.

FK bør leggje vekt på kulturminne og friluftsliv som er særlege ansvarsområde.

Motsegn og klagerett

Det er ikkje krav om reguleringsplan etter plan- og bygningslova for tiltak der det krevjast konsesjonshandsaming etter vassressurslova. For å ta hand om retten til å fremja motsegn som kommunar og statlege fagetatar har hatt til reguleringsplanar, er det teke inn reglar i vassressurslova om motsegn og klagerett. NVE understrekar at ei ev. motsegn må fremjast i høyringsperioden.

NVE syner til våre nettsider for meir informasjon: www.nve.no/konsesjonssaker.



- KUNNGJERING -

Olav Bratland – Søknad om løyve til masseuttak i Kjelaåi i Vinje kommune

NVE har motteke ein søknad frå Olav Bratland, datert 12.3.2010, om løyve til masseuttak i Kjelaåi i Vinje kommune.

Det søkjast om vidare masseuttak i Kjelaåi ved Edland i Vinje kommune. Det har vore uttak av masser i elva i ca. 30 år. Masseuttaket vil få eit areal på 15 000 m² og det er planlagt å ha eit gravedjup på 5 meter, som vil gje eit totalt uttak av masser på 75 000 m³. Transport frå masseuttaket vil nytte eksisterande veg fram til E134.

Søknaden vert handsama av NVE etter reglane i kap. 3 i vassressurslova, og gjeld løyve etter § 8 i same lov. Søknaden med vedlegg er lagt ut til offentleg ettersyn på Tenestetorget hjå Vinje kommune samt på biblioteket på Edland og på NVE sine nettsider www.nve.no/konsesjonssaker fram til høyringsfristen går ut.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **23.5.2010**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Dersom fråsegna er lang, er det difor ein fordel om det utarbeidast eit samandrag som kan nyttast til dette.